



## ՀԱՄԱԳՈՐԾԱԿՑՈՒԹՅԱՆ ՀԱՄԱՁԱՅՆԱԳԻՐ

ք. Երևան

«20» փետրվար 2013թ.

Երևանի Վ. Բրյուսովի անվան պետական լեզվաբանական համալսարանը (այսուհետ՝ Համալսարան), ի դեմս Համալսարանի ռեկտոր Գայանե Գասպարյանի, մի կողմից, և «Հայաստանի երիտասարդ իրավաբանների ասոցիացիա» հասարակական կազմակերպությունը (հետագա տեքստում՝ Ասոցիացիա) ի դեմս Ասոցիացիայի նախագահ Կարեն Զադոյանի, մյուս կողմից (հետագա տեքստում՝ Կողմեր)։

*Կարևորելով Համալսարանի կողմից որդեգրած նպատակները՝ ուսանողության և աշխատակիցների շրջանում կոռուպցիոն երևույթների նկատմամբ անհանդուրժողական մթնոլորտի ձևավորման խթանումը,*

*Նպատակ ունենալով Համալսարանում ներդնել հակակոռուպցիոն մեխանիզմներ,*

*Գնահատելով Ասոցիացիայի դերը հակակոռուպցիոն ոլորտում որպես մասնագիտացված կազմակերպության,*

*Նկատի ունենալով կողմերի պատրաստակամությունը համագործակցել հակակոռուպցիոն կրթության ոլորտում՝ բարձրացնելու համար այդ նպատակների զարգացմանն ուղղված իրենց ջանքերի արդյունավետությունը,*

Կողմերը կնքեցին սույն Համագործակցության Համաձայնագիրը (հետագա տեքստում՝ Համաձայնագիր) հետևյալի մասին.

### 1. Համաձայնագրի նպատակները

1.1. Կողմերը միավորում են ջանքերը հետևյալ նպատակներով՝

- Օժանդակել Համալսարանում հակակոռուպցիոն ուսուցման և հակակոռուպցիոն մեխանիզմների մշակման և ներդրման ոլորտներում իրականացվող աշխատանքներին,

- Բարձրացնել Համալսարանի աշխատակիցների և ուսանողների հակակոռուպցիոն իրազեկության մակարդակը,
- Նպաստել կոռուպցիայի դեմ պայքարում աշխատողների և ուսանողների շահերի և իրավունքների պաշտպանությանը,
- Նպաստել կոռուպցիոն ռիսկեր պարունակող օրենսդրության բարեփոխումների իրականացմանը:

## 2. Համագործակցության հիմնական սկզբունքները

2.1. Սույն Համաձայնագիրը սահմանում է Կողմերի միջև համագործակցության հետևյալ սկզբունքները.

- Կողմերի միջև համագործակցությունը հիմնված է ՀՀ Սահմանադրության, ՀՀ օրենսդրության, ՀՀ միջազգային պայմանագրերի և սույն Համաձայնագրի դրույթների վրա,
- Համագործակցության ընթացքում Կողմերն առաջնորդվում են համադեկլարման, թափանցիկության և ժողովրդավարության սկզբունքներով:

## 3. Համագործակցության ուղղությունները

3.1. Կողմերը համաձայնվում են Համալսարանում իրականացնել հետևյալ գործունեությունը.

- Համալսարանի «Կոռուպցիոն երևույթների դեմ պայքարի համալիր միջոցառումների 2013թ. ծրագրով» նախատեսված դասընթացները իրականացնելու նպատակով և ասոցիացիայի կողմից «Հայաստանն ընդդեմ կոռուպցիայի» ծրագրի շրջանակներում (այսուհետ՝ Ծրագրեր) գործարկվող Երևանի հակակոռուպցիոն կենտրոնի (այսուհետ՝ Հակակոռուպցիոն կենտրոն) կողմից Համալսարանի աշխատողների և ուսանողների համար ուսումնական, աշխատանքային հարաբերությունների և ֆինանսատնտեսական ոլորտներում հակակոռուպցիոն թեմաներով դասընթացների կազմակերպում և անցկացում,
- Հակակոռուպցիոն կենտրոնում և Ասոցիացիայի կողմից գործարկվող «Իրավաբան.net» անկախ լրատվական կայքի աշխատանքներում Համալսարանի ուսանողների համար արտադրական պրակտիկայի կազմակերպում և վերահսկում:

#### 4. ԵԶՐԱՓՈՒԿԻՉ ԴՐՈՒՅԹՆԵՐ

4.1 Սույն Համաձայնագիրը ուժի մեջ է մտնում ստորագրման պահից և գործում է երկու տարի ժամկետով:

4.2 Համաձայնագիրը կարող է դադարեցվել կողմերից մեկի նախաձեռնությամբ՝ այդ մասին մյուս կողմին ծանուցելով Համաձայնագրի դադարեցման պահից տասնհինգ օր առաջ:

4.3 Սույն Համաձայնագիրը կարող է փոփոխվել միայն կողմերի փոխադարձ գրավոր համաձայնությամբ:

4.2. Սույն Համաձայնագիրը կազմված է երեք էջից, հայերեն լեզվով, հավասար իրավաբանական ուժ ունեցող երկու օրինակներից:

Երևանի Վ. Բրյուսովի անվան  
պետական լեզվաբանական  
համալսարան

Երևան, 0002, Թումանյան 42

Ռեկտոր՝

Գայանե Գասպարյան

  
Վ.Տ. 

«Հայաստանի երիտասարդ  
իրավաբանների ասոցիացիա»  
հասարակական կազմակերպություն

Երևան, 0010, Նալբանդյան 7 գր 2

Նախագահ՝

Կարեն Զադոյան

  
Վ.Տ. 